

中國方志叢書·華南地方·第一八七號


據

清·郭汝誠修，馮奉初等纂
咸豐三年刊本

影印

廣東省

順德縣志



84/10/03

成文出版社有限公司印行



10096509

中國方志叢書·華南地方·第一八七號


據

清·郭汝誠修，馮奉初等纂
咸豐三年刊本

影印

廣東省

順德縣志



5/10/03
成文出版社有限公司印行



10096510

中國方志叢書·華南地方·第一八七號

據

清·郭汝誠修，馮奉初等纂
咸豐三年刊本

影印

廣東省

順德縣志



5410/03
成文出版社有限公司印行



10096511

中國方志叢書·華南地方·第一八七號

據

清·郭汝誠修，馮奉初等纂
咸豐三年刊本

影印

廣東省

順德縣志



sk10/03

成文出版社有限公司印行



10096512

中國方志叢書·華南地方·第一八七號


據

清·郭汝誠修，馮奉初等纂
清咸豐三年刊本

影印

廣東省

順德縣志



成文出版社有限公司印行

5/10/03



9072

序

予以己酉捧檄下車卽索閱舊志板已漶漫十不存八葢自石堦陳君主修以來至是又厯百年矣明代諸刻筆仗尙有可觀至國朝康熙中所纂輯率葫蘆依樣陳志實出異郡人之手尤爲他邑齒冷予於是始萌倡修意會宵小竊發挈役遍抵烟村力事園捕責紳民聯行保甲擘畫數月而後四境獲底安謐時羅蒲洲教授梁章冉舍人方共事監課省垣予以公便就質勸成者再返縣遂延溫秋瀛比部馮默齋廣文相與揀舉載筆收掌校對採訪監刻諸席集學舍開局予亦捐廉爲倡緣採訪初未能如例俟其補歸畫一故越四載至咸豐壬子而後大畧粗成予遷牧瀧州將行取而繙閱例目燦然圖經之有縣營界屬卽予巡厯村堡所創刻也次輿地次而建置之經政凡衛屯鹽法及節次立營改協皆若

指掌列眉與輿圖之印證天文度分測及織秒皆前志所未有也
再次爲六表曰職官曰選舉曰封廕曰仕宦曰節孝曰耆壽又次
曰勝蹟曰藝文專載著撰書目以舊存散篇分歸門類曰金石順
地石近而少補以藏金旣平燕雀而開縣建置文字遂有所附麗
焉然後次以列傳終以前事輔以雜志撫拾富而支蔓除文省事
增庶乎無愧矣予嘗與梁君炳燭深談知陳志後三大役有並爲
他郡邑乘與前志所無而適薈萃於今志者乾隆丙丁之舉賑也
嘉慶己庚之洋盜也近年各村備西潦之堤築也當其時每一舉
一事其出資用力者無慮數百人畧之則疑於沒善存之則多不
勝載此中通變盡利綱舉目張頗具苦心而全志大要取重考證
絕去空中樓閣浮游影響之談益足以傳後示信矣諸君子觴別
於局屬爲序語弁厥首方守土者責也爰倚裝而率書其緣起且

爲著其體例如右

咸豐壬子九月署順德縣事沙水郭汝誠撰

順德縣志凡例

一地志每泥分野舊說 國朝幅幘遼遠固非緯宿躔次所得賅
況地理上印天文未明球度難作地書姚志誤沿葉說所以有
倍地之譏也縣地方廣百里有奇南北界北極高度之二十二
三兩度間東西自 京師中線偏西三度中起不及四度止可
以按度求分按分求里今格畫於縣地總圖用明測驗故必先
圖度分指定縣界坐落其四十堡度分定位卽各以去城里數
彼此互爲伸縮驗其縱衡弓段之形至營縣例分界域增補圖
繪俾哨巡會勘示掌而明尤爲政書首要與署學鄉堡諸圖並
重圖繫以說是卽古所謂圖經也

一志載沿革所以徵久遠載疆域所以定界限順之爲縣權輿勝
代 國朝因之當縣未開隸南海者什九新會僅有其一沿革

名目具兩縣志表沿襲則胡盧依樣若但知舊志之畧尋緣起數行竟立專門轉乖體段茲不過卷端附攷畧爲泐溯根源已屬開宗明義且四至八到分見圖說去都自鄰縣道里亦各著都堡之首界域已清無煩雷同剿說矣

一舊志風俗分歸圖說錯舉語半重同物產殿列爲門繫屬例無倫次不知圖者所以明村落界至而土風且通於一境同異每與鄰封互見其中耕讀樵漁工賈所業縱有參差亦斷無割俗隨鄉供其揆地析載理蓋俗緣地見無異物從地出今以二者聯繼都堡山川後皆以地爲主由地而推習俗有偏重者著其鄉物產有故實者附其說而已

一建置自城臺署學以迄壇市梁渡凡非私有悉屬諸公與古蹟存廢用意迥殊大小重輕既次以類而地卽次於類內時又次

於地中前志圩岸卽今堤築端倪肇見無事繁文近日潦從西來縣河之受浸者以日而深始沒田畦繼侵宅里被害十僅免三村壤稍窪輒施工築或防村舍或衛田禾居食各自爲謀積以歲時一切門竇工材年月尺度幾可與南志江防比類而書役旣踵增則所紀亦爲創舉

一縣自提省肇設迭有更張爲移鎮爲專鎮爲城守而後定以協屬雖轄屬旁及他邑然駐劄所在協以縣名凡營制兵額汛防巡哨逮田經費脩造悉著於篇但爲之取詳縣屬而稍畧外營卽寓主各區別若夫度支存撥爲縣政出納攸關賦役與頒有專書與戶口田賦雜稅祿餉儲積諸條皆有相爲維繫其數雖瑣綜覈斯明至鹽法因時遞更其中分合增減多端又宜貫徹其終始是皆因前志所忽而暢乎言之者也

一表之爲法旁行斜上直貫橫推所以節冗文便稽覽史開定例而名目分合之故則各有攸宜職官判文此無論同城分駐咸書姓名而任去資籍附焉裁者舊有其人右典所宜知也又附焉選舉亦截著兩途而文之途較衆按曰庶載人舉其官以明起訖因而表及封廕所以輔選舉而行表又仕宦所以佐選舉未逮又節孝必統以夫門耆壽必徵其年歲前志子自破碎間收八十今則叠逢慶典賚頒既衆篇頁難敷日遠猶無徵動形望漏茲惟斷自九十以上而八十者毋以推類及焉受頂戴者亦以符例及焉以示至難而昭斷制然後六表眉列不遺不濫矣

一立表臚載綱舉目張各按各朝開編卽見其中尙有稍事通變一表析至二三耆如職官之文武勢難迸合分隸仍屬統同選

舉之由薦舉以越武科十資恰齊格段故文武甲乙先後得以
挨次鱗書節孝則彙報多而專案少且或已旌而舊夫年代或
未旌而志著姓名爲目雖繁一經配隸分明斯覺有條不紊又
鄉舉所在多有溯自開縣以前 國恩屢舉特科賢書棋布不
得不判厥朝代兩表騎列一門類旣相從卷帙亦緣省節是皆
編纂之權宜也

一立縣年僅數百而逆推而上則村堡閱時已遠書院園林之建
官坊表宅之名大抵皆前修遺址視他縣有其過之曰古蹟則
遺名勝二名勝又遺古蹟故必統曰勝蹟然後類聚條分者可
網括焉至若八景之強湊名目陋習作俑前明大雅久已弗尙
今以沿稱旣久姑附諸雜志使知無關輿地體要亦義取謹嚴
之一端也

一史例以經中子集志藝文然編志乘者率於前哲遺翰散篇羅列縱有關涉縣政究與選刻總集無殊及於濫觴則又雜入閒章頓違志義自阮文達公紹修通志毅然以古用朱氏經義考例書目下悉註姓名因徵存佚法已完善更各據所從出使他年雖湮沒原書於此可求存目就中支分派別挈領提綱一依四庫全書所次間有隨宜參配實因原著不敷隸屬而然仍擇有關政治諸篇各歸各門爲之隨條附麗或統存金石或補入傳文他如名勝登臨詩章亦爲排註以求消納匪事及除也

一自來石刻著錄類隔前朝歐趙成式也金石上收往古薛呂舊矩也縣地分南海最僻村落五代前風氣間殘碑刻無徵今僅斷自明初難與言古勢實使之猶幸士夫喜講收藏舊族世家

每事摩挲人別質鼎訪拓款識以金補石恰見燕雀之平藏者
氏不者名義匪引嫌誠以易燬易流等諸雲烟過眼此時現在
卽爲縣志竟作公器觀可矣

舊傳人物爲目頗繁不獨儒林文苑分途將孝友亦得歧而爲
二今惟第其朝代自宦蹟武勲列女仙釋外餘皆不判品類但
按時編載序其後先卽藝術亦彙列挨排可以義因文見其間
諸書互有同異者舊文顯背史冊者一一密加考證詳益求詳
語假夾註而明證緣附按而定務使事得其據人得其真縱有
廣蒐旁推不遺例同考異殿以雜錄用衍餘波則凡志類然無
例中亦存存例意於類次間見之矣

一自史創獨行其後遞修地志凡一節可稱者皆錄焉開縣至乾
隆庚午闕三百年縣志已見八刻大率八立專傳爲目已多自

是又經百載人文蔚起霞蔚雲蒸自好者以志節傳慷慨者以行義著採輯動逾盈尺覈與舊志所收絕相彷彿存之足勸刪卽向隅欲甄微長勢不得不汰舊存以求盡一誰無宗祖豈合謬議薙芟中去留實費再三商確况丙丁之賑已庚之盜近年之隄築或萃今志消納更難今專傳外用史通附合兩法合者取配行蹟附則或就子姓門弟舉尊及卑或緣小善微名由顯及晦因是而一家科名仕宦轉得彙列同條愈徵福基祥發體既無憾善亦不遺是又於不得已之中而適獲自然之理耳一志引事蹟各徵所從宋太平廣記已啟其端所以求證據杜虛誣者莫良於此阮志又依謝氏西志成例凡一段一言胥爲註出可謂踵而益密然採摭既廣則承接轉必每苦臃腫餽飣欲得如原撰之自然成章者蓋寡茲惟彙具書目於條末而行文